

Goibekokale

ELGETA / Barikua / 2002ko maiatzaren 3a / 97. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Goieskolako Topaketek 200 neska-mutiko batuko dituzte

OXEL EROSTARBE

Gaur, egun osoan, Debagoieneko Eskola Publikoen Topaketa izango da Elgetan. Bergara, Arrasate, Antzuola, Aretxabaleta, Soraluze, Eskoriatza, Aramaio, Oñati eta Elgetako neska-mutikoen euskal joko tradizionalak jolasteko aukera izango dute.

Goieskolak antolatutako topaketan Debagoieneko 200 bat umek hartuko dute parte. Bergaratik San Martin Agirre Ikastetxeko umeak etorriko dira, Arrasateko Musakola, San Andres eta Erguin ikastetxeetakoak, Eskoriatzatik Luis Ezeizakoak, Aretxabaleatik Kurtzeberrikoak, Aramaiotik San Martinekoak eta Oñatitik Errekaldetakoak. Soraluze, Antzuola eta Elgetako umeek ere hartuko dute parte topaketetan.

Goizeko hamarretan ekin, eta egun osoan joko tradizionalak jolasteko dira hainbat herritako neska-mutikoen. Izan ere, topaketa horren helburuetako bat ikastetxe guztietako umeek elkar ezagutzeko izango da.

Umeendako, zenbait jolasez osatutako zirkuitu bat gertatuko



Debagoieneko Eskola Publikoen Tokapetan, herri kiroletan lehiatuko dira hainbat herritako neska-mutikoen.

dute antolatzaileek. Horrela, kro-moak, tortolosak, soka, txingoka, boloak, kanikak, iturriak, igela, diabolak, yo-yoak eta haria egongo dira, besteak beste, jolasteko.

Bazkaldu ondoren herri kiroletan jokatzeko aukera izango dute. Ikastetxeetako umeekin taldeak osatu eta txorokil batzean, harri jasotzen, txingetan, zaku las-

terketetan eta sokatiran lehiatuko dira umeak.

Joko berrietan jolasteaz gainera, elkar ezagutzeko balio izango du gaurko topaketak.

HERRITARREN HITZA / Iban Retolaza • Langilea

Herri bizia

Nik herri bizia bezala, jende konprometitu eta aktiboz osatutako herria ulertzen dut. Herritarrek beraien artean ekintzak antolatzea, ospakizunetan biltzea edo eta parte hartzea, herria bizirik dirauenaren seinale ditugu.

Gure herria txikia izanik, inguruko hainbat herri baino zailtasun handiagoak ditugu ekintza entzutetsu, makro-jaialdi eta antzekoak antolatze-ko. Elgetako aurrekontuek ez dute askotarako ematen eta hortaz ekintza xumeagoekin konformatu behar.

Garai batean Ozkarbi

elkartek zeresan handia izan zuen herri honen bizitasunean. Ekintza ugari antolatzen zituzten eta herritar askok parte hartzen zuten. Herriko jaien antolakuntza ere bere esku egon zen urteetan, udaletxea laguntzaile moduan zuelarik.

Geroago, Ozkarbi elkartearen protagonismoa galtzen joan ahala, krisialdia etorri zen. Hala ere, herritarren lan eta borondate onean oinarrituz,



“Herri giro polita sortzeko ez da behar ikuskizun harrigarrik“

jaiak, sagardo eguna eta beste hainbat egun berezi. Azkena, orain dela gutxi Etorrek butano

azken urteotan herri hau berriz ere bizituz doala esango nuke. Bide berriak zabaldu dira eta jendea bide ezberdinetan lanean ari da.

Herri giro polita sortzeko ez da ikuskizun harrigarrik behar. Honen lekuko ditugu esaterako hurrengo asteburuan ospatuko dugun Asentzio Eguna, herriko

bonbonarekin eginiko apustua. Herritarren artean (eta baita herritik kanpo ere) ikusmin handia sortu zuena. Egunean bertan, giro polita sortu zuen, jende mordoxka bilduz.

Egun edo ospakizun guzti hauek gauza bat behintzat badute komunean: herriko jende asko biltzen dute, orokorrean adin ezberdinetakoak eta guztiak ere jaiarekin gozatzeko prest, jakina, bakoitzak bere erara.

Ea ba aurrerantzean ere herria bizirik mantentzeko gauza garen. Ez dadila bihurtu jan, lo egin eta turismorako tokia soilik.

LABUR

Datorren urtean beste hamabost ikasle eskolan

Hamabost neska-mutikok egin dute datorren ikasturterako matrikula. Kopuru horrekin, aurreko urteetako matrikula kopuruaren joerari eusten zaio, gutxi gorabehera.

Datorren urtean 77 ikasle izango ditu eskolak. Gainera, ordurako jantokia ere eginda egongo dela espero dute.

Maiatzaren 12an izango da aurtengo Asentzio Eguna

Datorren astean, maiatzaren 12an, izango da aurtengo Asentzio Eguna. Aurten ere Elgetako gaztetxeak hartu du jai antolatze ardura. Egitaraua urterokoa izango da: arrantza txapelketa, meza, dantzariak, bazkaria eta erromeria. Bazkarirako Haizean eta gaztetxean eman daiteke izena, bederlatzi euro ordainduta.

Elgetako amama nagusiena hil zen aurreko astean

Aurreko astelehenean, Hilari Beistegi hil zen, orain arte Elgetako amama nagusiena zena; 95 urte zituen. Orain, Maria Vicente Lazkano da herritako nagusiena: 93 urte bete berri ditu. Bibiana Letona ere Mariaren urte berekoa da, 1909koa, hain zuzen. Honek ordea ez ditu 93 urte bete.

Zuberotarrekin Bat zozketako zenbaki saritua 763 izan da

Domekako ONCEko azken hiru zenbakiak osatzen dute zenbaki saritua. Zenbakiaren jabeak Zuberoan bi lagunendako asteburu bat irabazi du. Bigarren zenbaki saritua 927 izan da; horrek sukaldaritzako liburuak irabazi ditu. Zozketako irabazleek Haizean jaso dezakete saria.

ARETO FUTBOLA

Joko bikaina egin, eta sailkapeneko aurreneko postuetan dira kanpoko taldeak

O.E.

Zapatuan hasi zen aurtengo Areto Futbol Txapelketa. Azkenean, uste baino talde gehiagok eman dute izena txapelketan. Elgetako bi talde bakarrik izango dira: Txapela eta La Kokotxa, hain zuzen ere. Gainerakoak Durango, Eibar, Arrasate eta Bergarakoak dira.

Azkenean, bederatzita taldek hartuko dute parte Areto Futboleko Txapelketan. Eta Elgetakoak bi bakarrik izango dira: Txapela eta La Kokotxa. Bi talde horiek zaila izango dute aurrenekoen artean izatea, aurtengoan kanpotik etorriko diren taldeen maila oso ona da eta. Hori argi eta garbi ikusi zen lehenengo jardunaldian. Txapelak 6-3 galdu zuen Spias

taldearen aurka. Eta La Kokotxa taldeak ere galdu egin zuen: Arineketan taldea 18-1 nagusitu zitzaion Elgetako taldeari.

Arineketan arrasatearrak eta Chievo bergararrak lehenengo aldiz ari dira parte hartzen Elgetako txapelketan. Lehenengo jardunaldian maila ona daukatela erakutsi zuten bi talde horiek, eta areto futbol txapelketa irabazteko faboritoen artean daude.

ASTERO PARTIDUEN ETA EMAITZEN BERRI
GOIBEKOKALEk txapelketaren jarraipena egingo du. Barikuero zapatuan izango diren partiduen berri emango du. Partidu bakoi-tzean epaile lanak zein taldek egin behar duen ere aurreratuko dugu. Aurreko asteko emaitzak eta sailkapena zelan doan ere aurreratuko dizuegu.



MTS taldekoek ezin izan zuten iazko txapeladunen aurka irabazi.

PARTIDUAK

- 15:00: MTS-La Kokotxa.
Komando Piperrak.
- 16:00: Komando Piperrak-Bar El Arco
La Kokotxa
- 17:00: Vicios-Chievo.
Bar El Arco
- 18:00: Spial-Arineketan.
Vicios

EMAITZAK

Vicios-MTS	5-2
Spias-Txapela	6-3
Arineketan-La Kokotxa	18-1
Chievo-Bar El Arco	10-0

SAILKAPENA

Taldea	P	J
1. Arineketan	2	1
2. Chievo	2	1
3. Spias	2	1
4. Vicios	2	1
5. MTS	0	1
6. Txapela	0	1
7. Bar El Arco	0	1
8. La Kokotxa	0	1
9. Comando piperrak	0	0

JAIXAK

Mexikoko mariachia ekarriko dabe Ferixa Nagusixak alaitzeko

O.E.

Ekaiñaren 28xan hasiko dira aurtengo Ferixa Nagusixak. Jai batzordekuek guztiz zehaztuta dauke egitaraua. Egitarauko ekitaldi garrantzitsuenetakua domekan izango da, *La magia de Iñigo* ikuskizunaren Estatu maillako aurkezpena egingo dabe-eta Espaloian.

Ekaiñaren 28xan eta 30ian artian izango dira aurtengo jaiak. Jaixetarako bi hillabete geratzen diran arren, Jai batzordekuek zehaztu dabe aurtengo Ferixa Nagusixetako egitaraua zein izango dan.

Ume, gazte, nagusi eta jubilaundako egitarau zabala osatu dabe. Umiendako ekitaldixak eguneroko dira. Eguen eta barikuan umientzat parkia ekarriko dabe. Zapatu goizian, Txirri,

Mirri eta Txirribitonekin batera ibiltzen dan *Elvi bentrilokoa* etorriko da, eta arratsaldian umien danborradia egongo da.

Jubilauen Egunian Los cinco Bilbainos taldekuak gerturatuko dira Elgetara.

Jaixetako musikia be zehaztuta dago. Eguen gabian, Etzakit taldea etorriko da. Barikuan, Los Lopez de Noschiscian mariachia kalez kale ibilliko da iluntzian eta gero gabian plazan joko dabe. Zapatuan, AEB eta Mexiko arteko mugatik Sombras Norteñas *tex-mex* taldea gerturatuko da. Gauerdixan, Les Tambeus de Feu piroteknia ikuskizuna egongo da. Gaztetxian be kontzertuak egongo dira barikuan eta zapatuan. Barikuan, ibarreko taldien kontzertua izango da, seguruenik, eta zapaturako talde ezagunen bat ekarri nahi dabe.

Barikuan, Trialsin erakustaldi bat be egingo dabe plazan. Bigarren urtez jarraixan asto karrera be izango da zapatuan.

DAVID COOPERFIELD-EN IKASLIA

Egitarauko ekintza aipagarriena *La magia de Iñigo* ikuskizuna izango da. Hori ekitaldixori domeka illuntzian izango da. Iñigo maguak munduan oso ezagunak diren maguekin egin dattu bere ikasketak, Juan Tamariz, Jose Carrol, Joaquin Ayala eta Lance Burton-ekin, adibidez. Aipatu, David Copperfield-ekin be ibilli dala ilusionismuan teknika barrirenak ikasten.

Jaixei bukaeria Markeliñe taldiak emongo dotsa, *DSO* kale antzerkixakin.


Espaloian egingo daben ekitaldixakin, ekaiñaren 15ian aurkeztuko dabe jaixetako egitaraua.



Errepide bazterrak garbitu dituzte

Aste osoan Elgeta inguruko errepideak garbitzen jardun dute Diputazioko langileek. Errepide bazter guztiak garbi-garbi utzi dituztela onartu behar da. Errepideen gaia atera dugunez, esan beharra dago kexa ugari jaso ditugula Kanpanzarrera bidean Diputazioak jarri zituen bazter babesak direla eta. Izan ere, bidetik gertuegi jarri zituzten bazter babes horiek. /O.E.

Aintzane denda



Zugandik gertu, behar duzun beste

Domingo Iturbe 4, ELGETA
Tel: 943 768297

GOIO SARASUA

Igeltserotza lanak
Teilatuak
Sukaldeak
Etxaurreak
Komunak

Otzango Behekoa Baserria
OIKINA
Tel: 943 86 01 56

EROSLE

M. Asun Agirre

Salbador 26
ELGETA
Tel: 768190

SAIOA ARANZABAL MASAJEAK

ELGETAN, DOMINGO ITURBE 10ean

- Kiromasajea
- Reflexologia
- Hidromasajea
- Kirol masajea



- Solariuma
- Drenaje linfatikoa
- Algekin eginiko estalkia

Dei ezazu 646 50 00 29 telefonora ordua eskatzeko

ERRETRATUZAHARRA

Herri Eskolako
lehen mailakoak,
1989an

Hona hemen 1989an sei urte zeuzkaten Herri Eskolako neska-mutikoak. Ikasturte hartan bertan hasi zen lehenengo mailan argazkiko talde hau. Asun Zabalo zen euren irakaslea.

Bi urte zeuzkatenetik elkarrekin ikasi zuten argazkiko ume hauek guztiek, eta elkarrekin jarraitu zuten seigarren mailara arte. 22 ume hasi ziren, baina lehenengo mailan dagoneko 18 bakarrik ari ziren. Derrigorrezko Bigarren Hezkuntza ikastera Bergarara joan ziren, eta DBH egin zuten lehenengoak izan ziren, gainera.

Argazkia Guraso Elkartearen egoitzaren aurrean aterata dago; Lapatza baserria ikus dezakegu atzean. Toki horretan aparkalekuak daude gaur egun, eta asfaltatuta dago bidea, argazkian harri koskorrak ikusten diren arren.

Zutik, ezkerretik eskumara: Ugaitz Iturbe, Xabier Biteri, Jon Kortabarria, Jon Pagaldai, Idurre Bengoa, Maialen Madariaga, David Martín, Larraitz Berraondo eta Mikel Pagaldai.



Lurrean eserita, ezkerretik eskumara: Mikel Fortuna, Josu Agirre, Irune Manzisidor, Iban Unanue, Nagore Beitia, Josu Zubikarai, Erik Lizarralde, Sergio Sánchez eta Asier Odriozola.

Argazkia: Maripi Manzisidor

ADI IRAKURLE!

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

Antzuola,
San Josetik
ikusita

Horra hor Antzuolako herriaren ikuspegi bat San Joserako bidetik ateratako bi argazkitan. Lehen Bareño zurrategia zegoen tokian, gaur egun etxeak egin dituzte eta zeharo aldatu da tokia. Lantegiaren oroimenez jarri zioten Zurrategi izena auzoari. Bareño zurrategia zen herriko zaharrena, eta duela 25 bat urte itxi zuten enpresa.



1960 Balbino Bareño zurrategia ikus dezakegu argazkian, eta atzean eliza eta kanpandorrea ere, bi urte lehenago berritua.



2002 Antzuolako zurrategi zaharrena zegoen tokian etxe multzoak egin zituzten duela urte batzuk, eta Zurrategi izena jarri zioten auzoari.

Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21

**BEHEKO
TABERNA**

Menestra
eta untxia dira
gure berezitasunak

ANGIOZAR
Tf.: 943 76 55 74

**INFERNUKUA
TABERNA**

Masterreka 23. BERGARA. 943 76 18 49



IPINTZA

BATXILERGOAK (DBHO)

Boni Laskurain 17-19. Tel. 943 76 31 42 / 20 82
Ordutegia: 09:00etatik 13:00era eta 15:00etatik 17:00etara

**Aurre matrikulazio epea
maiatzaren 2tik 10era**

GIZA ETA GIZARTE ZIENTZIAK
NATUR ETA OSASUN ZIENTZIAK
TEKNOLOGIKOA

Bide eta ate guztiak zabaltzen
dituzten ikasketak:
unibertsitatea eta
goi mailako ziklo formatiboak

MIGUEL ALTUNA

HEZIKETA ZIKLOAK (LH)

Ibargarai 1. Tel. 943 76 24 91 / 38 40
Posta elektronikoa: imaltuna@sarenet.es / www.imaltuna.com
Ordutegia: 09:00etatik 14:00era

**Aurre matrikulazio epea
ekainaren 3tik 12ra**

ERDI MAILAKO ZIKLOAK

Mekanizazioa
Ekipo eta instalazio elektroteknikoak
Administrarritza Kudeaketa*

GOI MAILAKO ZIKLOAK

Administrazio eta finantzak
Erregulazio eta kontrol sistema automatikoak
Mekanizazio bidezko produkzioa
Proiektu mekanikoen garapena
Plastiko eta Kautxugintza
Idazkaritza*



SAN MARTIN - IPINTZA - M. ALTUNA

B e r g a r a k o i k a s t e t x e p u b l i k o a k

GRUPO **ARKAUZ** 1950-2002



Arkauz zure etxea da.



ARKAUZ Araba etorbidea 20 • Tel./Faxa: 943 79 23 51
ARETXABAETA

ETXE MOBEL Araba Etorbidea 5 • Tel./Faxa: 943 79 41 82
MUEBLI **ARETXABAETA**

ARKAUZ Mitarte 3 • Tel./Faxa: 943 77 04 55 **FAGOR**
SUKALDE INTEGRALA **ARETXABAETA**

ARKAUZ Asuncion, 1 • Tel./Faxa: 943 79 10 97
ELEKTRAGAILUAK **ARETXABAETA** **expert**